

საქართველოს სოფლის მეურნეობის სამინისტროს
სსიპ სურსათის ეროვნული სააგენტო



ელექტრონული ტენდერი

ფარმაცევტული პროდუქტები
CPV 33600000

ვაქცინები ვეტერინარული მედიცინისთვის
(ცხვრისა და თხის ყვავილის საწინააღმდეგო ვაქცინა)
CPV 33651690

სატენდერო დოკუმენტაცია

2016 წელი

ს ა რ ზ ე ვ ი

1.საკვალიფიკაციო მოთხოვნები	3
2. ტექნიკური დავალება მოსაწოდებელ საქონელზე	4
3. შესყიდვის ობიექტის მოწოდების ადგილი და ვადები	5
4. სატენდერო წინადადების ფასის გაანგარიშება	5
5.ფასწარმოქმნის ადეკვატურობის დამდასტურებელი დოკუმენტების მოთხოვნა	6
6. ხელშეკრულების უზრუნველყოფის გარანტიის წარმოდგენა	6
7. შესყიდვის ობიექტის მიღება-ჩაბარება	6
8. ანგარიშწორების პირობები	7
9. პეტენდენტის ტექნიკური დოკუმენტაცია	7
10. დამატებითი ინფორმაცია	7
10. სახელმწიფო შესყიდვის შესახებ ხელშეკრულების პროექტი	9
11. დანართი №1 (რეკვიზიტები)	14
12. დანართი №2 (ფასების ცხრილი)	15

1. საკვალიფიკაციო მოთხოვნები

1.1. იურიდიული პირისათვის, ამხანაგობისათვის და ინდივიდუალური მეწარმისათვის – ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან, რომელიც ადასტურებს რომ პრეტენდენტის ქონებაზე არ არის რეგისტრირებული ყადაღა/აკრძალვა, საგადასახადო გირავნობა/იპოთეკა და პრეტენდენტი არ არის რეგისტრირებული მოვალეთა რეესტრში;

1.2. ფიზიკური პირისათვის – ცნობა ნასამართლობის შესახებ შესაბამისად უფლებამოსილი ორგანოდან, რომლითაც დასტურდება, რომ პირი არ არის ნასამართლევნი საქართველოს სისხლის სამართლის კოდექსის XXVI (დანაშაული სამეწარმეო ან სხვა ეკონომიკური საქმიანობის წინააღმდეგ) და XXXIX (სამოხელეო დანაშაული) თავებით გათვალისწინებული ქმედებისათვის;

1.3. არარეზიდენტმა პირმა უნდა წარმოადგინოს საკვალიფიკაციო მოთხოვნებით გათვალისწინებული ინფორმაციის ექვივალენტური მონაცემები, რომლებიც სათანადო წესით იქნება დამოწმებული ან ლეგალიზებული.

1.4. 1.1.-1.3. პუნქტებში მითითებული დოკუმენტები რეზიდენტი პრეტენდენტებისთვის გაცემული უნდა იყოს, მოცემული ტენდერისათვის “წინადადებების მიღება დაწყებულია” სტატუსის მინიჭების შემდეგ, ხოლო არარეზიდენტი პრეტენდენტებისთვის მოცემული ტენდერისათვის სტატუსის - “წინადადებების მიღება დაწყებულია” - მინიჭებამდე არაუგვიანეს ოცდაათი დღისა.

2. შესყიდვის ობიექტის ტექნიკური დავალება

2.1. შესყიდვის ობიექტია:

ცხვრისა და თხის ყავავილის საწინააღმდეგო ვაქცინა - 890,000 დოზა

2.2. ვაქცინის ტექნიკური მახასიათებლები

- 2.3. ვაქცინა განკუთვნილი უნდა იყოს მხოლოდ წვრილფეხა პირუტყვის საინექციოდ;
- 2.4. ვაქცინა უნდა იყოს მშრალი, ატენუირებული, ვაქცინის ერთი საიმუნიზაციო დოზა უნდა შეიცავდეს არანაკლებ $10^{2.5}$ TCID₅₀ ცხვრისა და თხის ყავავილის შტამს;
- 2.5. ვაქცინის საიმუნიზაციო დოზა (არაუმეტეს 1 მლ) საერთო უნდა იყოს ყველა მთვისებელი ცხოველისთვის და ყველა ასაკობრივი კატეგორიისთვის.
- 2.6. იმუნიტეტის ხანგრძლივობის პერიოდი ზრდასრულ ცხოველებში უნდა შეადგენდეს არანაკლებ 12 თვეს;
- 2.7. ვაქცინას მოწოდებისას თან უნდა ახლდეს: თითოეულ სერიაზე ხარისხის დამადასტურებელი შესაბამისი სერტიფიკატი ან ამ სერტიფიკატის ექვივალენტური დოკუმენტი, GMP სერტიფიკატი ან წარმოების უფლების დამადასტურებელი დოკუმენტი, წარმოშობის სერტიფიკატი, საქართველოში რეგისტრაციის დამადასტურებელი დოკუმენტი, ვაქცინის ინსტრუქცია (ნოტარიულად ნათარგმნი ქართულ ენაზე) და ვაქცინის დახასიათება. დოკუმენტაციაში აუცილებლად უნდა იყოს მითითებული ფლაკონის გახსნიდან მისი გამოყენების ვადა, ვაქცინაციის სქემა;
- 2.8. დაყოვნების პერიოდი არ უნდა აღემატებოდეს 14 დღეს.
- 2.9. დოკუმენტაცია წარმოდგენილი უნდა იყოს ქართულ, რუსულ ან ინგლისურ ენაზე;
- 2.10. თითოეულ ფლაკონში ვაქცინის დაფასოება არ უნდა აღემატებოდეს 50 დოზას;
- 2.11. თითოეული ვაქცინის ფლაკონს უნდა მოყვებოდეს ვაქცინის დოზის შესაბამისი დაფასოების გამხსნელი;
- 2.12. ვაქცინა დაფასოებული უნდა იყოს გამჭვირვალე ფლაკონში;

- 2.13. ვაქცინის ვარგისიანობის ვადა მოწოდების მომენტისთვის უნდა იყოს არანაკლებ 11 თვე;
- 2.14. გახსნიდან ვაქცინის გამოყენების ვადა უნდა შეადგენდეს არანაკლებ 2 საათს;
- 2.15. მომწოდებელი პასუხისმგებელია ვაქცინის ინსტრუქციით გათვალისწინებული შენახვის პირობების, მათ შორის შესაბამისი ტემპერატურული რეჟიმით დაცვაზე (ცივი ჯაჭვის პრინციპი). რაც უნდა დასტურდებოდეს თითოეულ პარტიაზე არანაკლებ 3 ცალი, შესაბამისი ელექტრო თერმოლოგერებზე (ერთჯერადი, ან მრავალჯერადი) დაფიქსირებული მონაცემების საშუალებით. ვაქცინის მიწოდებისას, ადგილზე მომწოდებელთან ერთად მოხდება თერმოლოგერით დაფიქსირებული მონაცემის გადმოწერა. აღნიშნული მონაცემები მიმწოდებლის მიერ გადაიგზავნება ვაქცინის მწარმოებელ კომპანიაში.
- 2.16. ვაქცინის ფლაკონის ეტიკეტზე ქართულ, ინგლისურ ან რუსულ ენებზე მითითებული უნდა იყოს მინიმუმ შემდეგი სახის ინფორმაცია: ფლაკონში ვაქცინის დოზის რაოდენობა, ვაქცინის დასახელება, ვაქცინის მოცულობა, სხვადასხვა სახეობის ცხოველებისთვის რეკომენდირებული დოზირება, ვაქცინის გამოშვებისთარიღი და ვარგისიანობის ვადა ან/და ვაქცინის ვარგისიანობის ამოწურვის თარიღი, სერიის ნომერი, ვაქცინის შენახვის პირობები, ხოლო ვაქცინის ყუთზე (რომელიც წარმოდგენილი უნდა იყოს თერმო კონტეინერის სახით) ქართულ, ინგლისურ ან რუსულ ენებზე მითითებული უნდა იყოს შემდეგი სახის ინფორმაცია: ვაქცინის დასახელება, ყუთში ფლაკონების რაოდენობა, ვაქცინის გამოშვებისთარიღი და ვარგისიანობის ვადა ან/და ვაქცინის ვარგისიანობის ამოწურვის თარიღი, სერიის ნომერი, ვაქცინის შენახვის პირობები;

3. შესყიდვის ობიექტის მოწოდების ვადები და ადგილი:

- 3.1. 600,000 დოზა ვაქცინის მოწოდება უნდა განხორციელდეს ხელშეკრულების გაფორმებიდან არაუგვიანეს 2016 წლის 1 მარტს, ხოლო დარჩენილი 290,000 დოზა ვაქცინის მოწოდება შესაძლებელია, როგორც 2016 წლის 1 მარტს, ასევე არაუგვიანეს 2016 წლის 1 სექტემბერს;
- 3.2. მიმწოდებელმა უნდა უზრუნველყოს საქონლის მიწოდება და დაცლა/დასაწყობება შემდეგ მისამართზე: ქ. თბილისი, მარშალ გელოვანის №6

4. სატენდერო წინადადების ფასის გაანგარიშება:

- 4.1. შესყიდვის სავარაუდო ღირებულებაა 133,500 ლარი.

4.2. სატენდერო წინადადების ფასი გამოსახული უნდა იყოს ეროვნულ ვალუტაში - ლარში

4.3. სატენდერო წინადადების ფასში პრეტენდენტმა უნდა გაითვალისწინოს, ტექნიკური დავალების შესაბამისად, შემსყიდველისათვის საქონლის მიწოდებასთან დაკავშირებული ყველა ხარჯი (მათ შორის ტრანსპორტირება და დაცლა/დასაწყობება) და საქართველოს კანონმდებლობით გათვალისწინებული ყველა შესაბამისი გადასახადი

4.4. პრეტენდენტმა, სატენდერო წინადადების ღირებულებაში არ უნდა გაითვალისწინოს დამატებული ღირებულების გადასახადი (დ.ღ.გ), ვინაიდან საქართველოს კანონმდებლობის შესაბამისად, შესყიდვის ობიექტი არ იბეგრება აღნიშნული გადასახადით.

5. ფასწარმოქმნის ადეკვატურობის დამადასტურებელი დოკუმენტების მოთხოვნა:

5.1. იმ შემთხვევაში თუ ტენდერში, ყველაზე დაბალი ფასის მქონე წინადადების წარმომდგენი პრეტენდენტის მიერ, სისტემაში დაფიქსირებული საბოლოო ფასი 20 %-ით ან მეტით დაბალი იქნება შესყიდვის ობიექტის სავარაუდო ღირებულებაზე (133,500 ლარი), შემსყიდველი პრეტენდენტისაგან მოითხოვს ფასწარმოქმნის ადეკვატურობის დასაბუთებას.

5.2. 5.1 პუნქტით გათვალისწინებულ შემთხვევაში, პრეტენდენტმა, შემსყიდველის მიერ მითითებულ ვადებში, ელექტრონული სისტემის მეშვეობით უნდა წარმოადგინოს შესყიდვის ობიექტის მიწოდებასთან დაკავშირებული, პრეტენდენტის მერ გაფორმებული ერთ-ერთი ქვემოთ ჩამოთვლილი დოკუმენტთაგანი:

- ხელშეკრულება
- ანგარიშ-ფაქტურა
- ინვოისი

რომელიც დაადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას

6. ხელშეკრულების უზრუნველყოფის გარანტიის წარმოადგენა

6.1. ხელშეკრულების უზრუნველყოფის გარანტია არ მოითხოვება;

7. შესყიდვის ობიექტის მიღება-ჩაბატება

7.1. საქონლის მოწოდების მომენტში, შემსყიდველსა და მომწოდებელს შორის გაფორმდება „საქონლის მოწოდების აქტი“, რომელშიც ფიქსირდება მოწოდების ვადა და მოწოდებული საქონლის რაოდენობა სასაქონლო ზედდებულის მიხედვით.

7.2. „საქონლის მოწოდების აქტს“ შემსყიდველის მხრიდან ხელს აწერს/ენ ხელშეკრულების პირობების შესრულებაზე კონტროლის განმახორციელებელი პირი/ები

7.3. მიღება ჩაბარების აქტი გაფორმდება მწარმოებლის მიერ თერმოლოგერების მონაცემების ანალიზით ვაქცინების გამოყენებისთვის ვარგისიანობის შესაღებ მიღებული დადებითი დასკვნის შემთხვევაში (რომელსაც თან უნდა ახლდეს თერმოლოგერების ჩანაწერები, ამონაბეჭდი ან და დისკი) და მოწოდებული საქონლის სატენდერო დოკუმენტაციისა და ხელშეკრულების პირობებთან შესაბამისობის დადგენის შემთხვევაში ვაქცინების შესაბამისი ღირებულების ასახვით.

8. ანგარიშსწორების ვადები და პრობები:

- 8.1. ანგარიშსწორება მიმწოდებელთან განხორციელდება მხარეთა მიერ, შესაბამისი მიღება-ჩაბარების აქტის გაფორმებიდან 20 კალენდარული დღის განმავლობაში
- 8.2. ანგარიშსწორება განხორციელდება ეროვნულ ვალუტაში - ლარში
- 8.3. ანგარიშსწორების ფრომა იქნება უნაღდო ანგარიშსწორება, თანხა ჩაირიცხება მომწოდებლის მიერ ხელშეკრულებაში მითითებულ საბანკო რეკვიზიტებზე.
- 8.4. შესყიდვა ითვალისწინებს წინასწარ საავანსო ანგარიშსწორებას სახელშეკრულებო ღირებულების 30%-ის ფარგლებში
- 8.5. საავანსო ანგარიშსწორების მოთხოვნის შემთხვევაში, პრეტენდენტმა უნდა წარმოადგინოს საბანკო დაწესებულების საბანკო გარანტია შესაბამის თანხაზე, რომლის მოქმედების ვადაც 1 თვით უნდა აღემატებოდეს ხელშეკრულების მოქმედების ვადას.

9. პრეტენდენტის ტექნიკური დოკუმენტაცია - ელექტრონულად წარმოსადგენი ინფორმაციის ჩამონათვალი.

- 9.1. ვაქცინის გამოყენების ინსტრუქცია და დახასიათება (ქართულად ნათარგმნი და ნოტარიულად დამოწმებული). იმ შემთხვევაში თუ ამ დოკუმენტაციაში არ იქნება მითითებული ფლაკონის გახსნიდან მისი გამოყენების ვადა, დამატებით წარმოდგენილ იქნას შესაბამისი დოკუმენტაცია.
- 9.2. მწარმოებლის GMP სერტიფიკატი, ან წარმოების უფლების დამადასტურებელი დოკუმენტი;
- 9.3. დოკუმენტი მწარმოებლისგან პრეპარატის წარმოშობის შესახებ;
- 9.4. იმ შემთხვევაში თუ ვაქცინა არ არის საქართველოში დარეგისტრირებული მწარმოებელი ან/და სხვა ქვეყნის შესაბამისი მარეგულირებელი ორგანოს მიერ გაცემული რეგისტრაციის დოკუმენტი, ან ფარმაცევტული პროდუქციის სერტიფიკატი (CPP);
- 9.5. პრეტენდენტის რეკვიზიტები (სრული დასახელება, საბანკო რეკვიზიტები, იურიდიული და ფაქტიური მისამართი, ელ.ფოსტა, საკონტაქტო ტელეფონი, ხელმძღვანელისა და/ან ხელმოწერაზე უფლებამოსილი პირის ვინაობა) – დანართი #1;
- 9.6. პრეტენდენტის შესაბამისად უფლებამოსილი პირის მიერ ხელმოწერილი და ბეჭდით დამოწმებული ტექნიკური დავალების შესაბამისად შედგენილი ფასების ცხრილი (დანართი #2);

10. დამატებითი ინფორმაცია:

- 10.1. ტენდერში მონაწილეობის მიღებით პრეტენდენტი ეთანხმება სატენდერო დოკუმენტაციის ყველა მოთხოვნასა და პირობას;

10.2. პრეტენდენტის მიერ, სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და ინფორმაცია ხელმოწერილი და ბეჭედდასმული (არსებობის შემთხვევაში) უნდა იყოს პრეტენდენტის შესაბამისად უფლებამოსილი პირის მიერ;

10.3. სატენდერო დოკუმენტაციასთან დაკავშირებული განმარტებებისა და დამატებითი ინფორმაციის მოთხოვნა, ნებისმიერ დაინტერესებულ პირს შეუძლია სახელმწიფო შესყიდვების ერთიანი ელექტრონული სისტემის „კითხვა/პასუხის“ მოდულის მეშვეობით;

10.4. სატენდერო დოკუმენტაციასთან დაკავშირებული განმარტებებისა და დამატებითი ინფორმაციის გაცემაზე უფლებამოსილი პირია სატენდერო კომისიის აპარატის წევრი **გერონტი ფრუიძე**

საკონტაქო ინფორმაცია:

სსიპ - სურსათის ეროვნული სააგენტო
ქ. თბილისი, მარშალ გელოვანის №6 ოთახი №210
ტელ: (+995 032) 291 91 91 67 (შიდა 30-72); 599 38 14 06
ელ.ფოსტა: geronti.pruidze@nfa.gov.ge

✓ **ალტერნატიული წინადადებები არ განიხილება.**

სახელმწიფო შესყიდვის შესახებ

ხელშეკრულება

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად.

წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

_____ 2016 წ.

ერთის მხრივ **საქართველოს სოფლის მეურნეობის სამინისტროს სსიპ – სურსათის ეროვნული სააგენტო** (შემდგომში “შემსყიდველი”) წარმოდგენილი მისი უფროსის ----- სახით და მეორეს მხრივ, _____ (შემდგომში “მიმწოდებელი”) წარმოდგენილი მისი _____ სახით, “სახელმწიფო შესყიდვის შესახებ” საქართველოს კანონისა და პრეტენდენტის (დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინებს აქვთ შემდეგი მნიშვნელობა

- 1.1. “ხელშეკრულება სახელმწიფო შესყიდვის შესახებ” (შემდგომ - “ხელშეკრულება”) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. “ხელშეკრულების ღირებულება” - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ნაკისრი ვალდებულებების სრული და ზედმიწევნით შესრულებისთვის.
- 1.3. “დღე”, “კვირა”, “თვე” - კალენდარული დღე, კვირა, თვე.
- 1.4. “საქონელი” – ხელშეკრულების მე-2 მუხლით გათვალისწინებული ხელშეკრულების საგანი.
- 1.5. “ტექნიკური დავალება” - სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.
- 1.6. “ტექნიკური დოკუმენტაცია” - მიმწოდებლის მიერ ტენდერში წარმოდგენილი ტექნიკური დოკუმენტაცია, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

2.1. ხელშეკრულების საგანს წარმოადგენს **ცხვრისა და თხის ყვავილის საწინააღმდეგო ვაქცინა - 890,000 დოზა**

2.2. ვაქცინების მიწოდების პირობების აღწერა მითითებულია ტექნიკურ დავალებაში.

- CPV 33651690

3. ხელშეკრულების ღირებულება

3.1. ხელშეკრულების ჯამური ღირებულება შეადგენს _____ (თანხა სიტყვიერად) ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯს, მათ შორის საქართველოს კანონმდებლობით გათვალისწინებულ ყველა შესაბამის გადასახადებს.

3.3. ფინანსდება სახელმწიფო მიზნობრივი ქვეპროგრამის “ეპიზოოტიური კეთილსამედობა და ცხოველთა იდენტიფიკაცია-რეგისტრაცია”-ს ფარგლებში.

4. საქონლის მიწოდების ვადები და ადგილი

4.1. ვაქცინის უნდა განხორციელდეს არაუგვიანეს _____

4.2. ვაქცინების მიწოდების ადგილია – სურსათის ეროვნული სააგენტო, თბილისი, მარშალ გელოვანის N6;

5. მიღება-ჩაბარების წესი

5.1. მხარეებს შორის საქონლის მიწოდებაზე გაფორმდება მიღება-ჩაბარების აქტი შესაბამისი ღირებულების ასახვით;

5.2. შემსყიდველის მხრიდან მიღება-ჩაბარების აქტზე ხელმოწერი უფლებამოსილი პირი არიან კონტროლის განმახორციელებელი ჯგუფის წევრები.

6. ანგარიშსწორების პირობები

6.1. მიმწოდებელთან ანგარიშსწორება განხორციელდება ეროვნულ ვალუტაში, შესაბამისი მიღება-ჩაბარების აქტის გაფორმების შემდეგ.

6.2. ანგარიშსწორების ფორმა იქნება – უნაღდო.

6.3. ანგარიშსწორება მოხდება 20 დღის განმავლობაში მიღება-ჩაბარების აქტის გაფორმებისა და სათანადო საგადახდო დოკუმენტების შემსყიდველისთვის მიწოდების თარიღიდან (იმის მიხედვით რომელი უფრო გვიან მოხდება).

7. მხარეთა უფლება-მოვალეობები

7.1. შემსყიდველი უფლებამოსილია ნებისმიერ დროს შეამოწმოს მიმწოდებლის მხრიდან ხელშეკრულების პირობების შესრულება;

7.2. შემსყიდველი ვალდებულია გადაიხადოს საქონლის ღირებულება ხელშეკრულების პირობებისა და ვადის გათვალისწინებით;

7.3. მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულების პირობებისა და ვადის გათვალისწინებით;

7.4. მიმწოდებელი ვალდებულია:

7.4.1. შემსყიდველს მიაწოდოს დადგენილი ხარისხითა და სტანდარტების საქონელი;

7.4.2. გადასცეს შემსყიდველს უფლებრივად და ნივთობრივად უნაკლო საქონელი.

7.4.3. უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან საქონლის მიწოდების ადგილამდე ტრანსპორტირების პროცესში. შეფუთვამ უნდა გაუძლოს ინტენსიურ ამწევ-გადასატვირთ ზემოქმედებას, გადატვირთვის დროს ნალექის ზემოქმედებას, ასევე ღია ცის ქვეშ შენახვას. საქონელი უნდა იყოს შეფუთული და მარკირებული საერთაშორისო სტანდარტების თანახმად; შეფუთვაზე მითითებული უნდა იყოს პრეპარატების სავაჭრო სახელწოდება, წონა, დაფასოების თითოეულ ერთეულზე მითითებული უნდა იყოს პარტიის ნომერი, გამოშვების ვადა. პრეპარატები დაფასოებული უნდა იყოს სტანდარტულ, მარკირებულ ტარაში.

8. ხელშეკრულების კონტროლი

8.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განხორციელებს შემსყიდველის მხრიდან განსაზღვრული პირ(ებ)ი;

8.2. ხელშეკრულების პირობების შესრულების კონტროლის განმახორციელებელი პირ(ებ)ის ფუნქციაა მისაწოდებელი ან/და მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა;

8.3. ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე.

8.4. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისთვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები.

8.5. ყველა გამოვლენილ ნაკლოვანებათა აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. გარანტია

მიმწოდებელი იძლევა გარანტიას, რომ მის მიერ მოწოდებული საქონელი იქნება ხარისხიანი, საერთაშორისო სტანდარტებისა და ტენდერის ტექნიკურ დავალებაში მითითებულ

მოთხოვნებთან სრულ შესაბამისობაში, წინააღმდეგ შემთხვევაში მიმწოდებელი ვალდებულია საკუთარი სახსრებით გამოასწოროს ნაკლი.

10. პირგასამტეხლო ხელშეკრულების პირობების შეუსრულებლობისავის

10.1. მიმწოდებლის მხრიდან ხელშეკრულების 4.1. პუნქტით გათვალისწინებული ვადის დარღვევის შემთხვევაში, მას დაეკისრება პირგასამტეხლო მოსაწოდებელი საქონლის ღირებულების 0.1% ოდენობით, ყოველ ვადაგადაცილებულ დღეზე;

10.2. ხელშეკრულების 10.1. პუნქტებით გათვალისწინებულ შემთხვევაში შემსყიდველს არ ევალება ხელშეკრულების 6.3. პუნქტში მითითებული ვადის დაცვა. მიმწოდებლისთვის თანხის გადახდა მოხდება პირგასამტეხლოს გადახდის დამადასტურებელი საბუთის წარმოდგენიდან 30 დღის განმავლობაში;

10.3. ხელშეკრულებით ნაკისრი ვალდებულების შეუსრულებლობის შემთხვევაში მიმწოდებელს ეკისრება პირგასამტეხლო ხელშეკრულების ჯამური ღირებულების 10% ოდენობით;

10.4. თუ ხელშეკრულების 10.1. პუნქტით გათვალისწინებული პირგასამტეხლოს თანხა გადააჭარბებს ხელშეკრულების ჯამური ღირებულების 3%, შემსყიდველ უფლება აქვს ცალხრივად შეწყვიტოს აღნიშნული ხელშეკრულება.

10.5. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. ხელშეკრულების ნებისმიერი ცვლილების/დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

11.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების არსებული ჯამური ღირებულების 10%-ზე მეტი ოდენობით.

11.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. ხელშეკრულების შეწყვეტა

12.1. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს

გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

12.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

12.3. თუ შემსყიდველისათვის ცნობილი გახდა, რომ მიმწოდებელი მისგან დამოუკიდებელი მიზეზების გამო ვერ უზრუნველყოფს ხელშეკრულებით ნაკისრი ვალდებულებების შესრულებას, შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ;

12.4. ხელშეკრულების შეწყვეტა პირობების დარღვევის გამო არ ათავისუფლებს მხარეებს ხელშეკრულების შეუსრულებლობისათვის გათვალისწინებული პასუხისმგებლობისაგან.

12.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

13. დაუძლეველი ძალა

13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დუძლეველი ძალის ზეგავლენით.

13.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შეუსრულებლობით გამოწვეული პასუხისმგებლობისაგან.

13.3. მხარეთა ვალდებულებები და პასუხისმგებლობა განხლდება დაუძლეველი ძალის მოქმედების დასრულებისთანავე.

14. სხვა პირობები

14.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.2. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.3. გამარჯვებული პრეტენდენტის მიერ წარმოდგენილი სატენდერო წინადადება და დანართები წარმოადგენს ხელშეკრულების განუყოფელ ნაწილს.

შემსყიდველი

მიმწოდებელი

რეკვიზიტები

პრეტენდენტის დასახელება:	
საიდენტიფიკაციო კოდი:	
იურიდიული და ფაქტიური მისამართი:	
ელ.ფოსტა:	
საკონტაქტო ტელეფონები:	
ხელმძღვანელისა და/ან ხელმოწერაზე უფლებამოსილი პირის ვინაობა:	
საბანკო რეკვიზიტები	
ბანკის დასახელება:	
ბანკის კოდი:	
ა/ანგარიშის N:	

უფლებამოსილი პირის ხელმოწერა და ბეჭედი

დანართი N2

ფასების ცხრილი

საქონლი (საფირმო სახელწოდება)	საქონლის ძირითადი მახასიათებლები	წარმოშობის ქვეყანა. მწარმოებელი კომპანია	რაოდენობა	ერთეულის ფასი	საერთო ღირებულება	მიწოდების ვადა
1	2	3	4	5	6	7

უფლებამოსილი პირის ხელმოწერა და ბეჭედი _____